

Ո Ր Ո Շ ՈՒ Մ N 1175/1
/վարչական տույժ նշանակելու մասին/

«31» օգոստոսի 2022թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետի ժամանակավոր պաշտոնակատար Վանիկ Հովհաննիսյանս, քննելով «Դիլարա» ՍՊ ընկերության (ՀՎՀՀ 00502377, հասցե՝ ՀՀ, ք. Երևան, Նոր Արեշ 24 փող., տուն 53) տնօրեն Գոռ Պետրոսյանի (անձնագիր՝ AT0329356, հասցե՝ ՀՀ, ք. Երևան, Նոր Արեշ 24 փող., տուն 53) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Դիլարա» ՍՊ ընկերության անվամբ թիվ 05100033/150422/0013483 տարանցման հայտարարագրով Բագրատաշենի մաքսային կետ-բաժնով ՀՀ տարածք է ներմուծվել ընդհանուր 1,840 կգ բեռ, որը 16.04.2022 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի ավարտը բեռի վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 17.08.2022 թվականին «Դիլարա» ՍՊ ընկերության տնօրեն Գոռ Պետրոսյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 31.08.2022 թվականին ժամը 10:00-ին, ինչի անցկացման վայրի և ժամանակի մասին ծանուցումն առաքվել է Գոռ Պետրոսյանին: Վերջինս պատշաճ կարգով ծանուցվել է, սակայն չի ներկայացել գործի քննությանը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, վարույթի նյութերով հիմնավորվում է, որ «Դիլարա» ՍՊ ընկերության տնօրեն Գոռ Պետրոսյանը սահմանված ժամկետում թիվ 05100033/150422/0013483 տարանցման հայտարարագրով Բագրատաշենի մաքսային կետ-բաժնով ՀՀ տարածք ներմուծված բեռի համար մաքսային հայտարարագիր չի ներկայացրել, որի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար «Դիլարա» ՍՊ ընկերության տնօրեն Գոռ Պետրոսյանին ենթարկել վարչական պատասխանատվության՝ տուգանելով **50.000 ՀՀ դրամի** չափով:
2. Որոշման մասին հայտնել «Դիլարա» ՍՊ ընկերության տնօրեն Գոռ Պետրոսյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կնարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Արարատյան մարսատուն-վարչություն, ԿՈԴ 27):**

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ



ՎԱՆԻԿ ՀՈՎՀԱՆՆԻՍՅԱՆ